

本埠新聞

今晚堂社聯席會議

本埠致公堂、達權社、今晚八點鐘。在達權社禮堂。開聯席會議。茲將其長紅照錄如左。啟者。茲有要事特商。準於廿吉號(即星期五)晚八點。在達權社禮堂。開聯席會議。屆時請各會員社員到會。共決進行。是所切盼。此佈。中華民國二十五年三月二十六號 致公堂達權社同啟

紀念籌備會成立宣言

我人居留地之雲高華埠。今年適值立埠五十週年。友邦人士。歡賀經營。集鉅款。大佈置。擬舉行大規模之慶祝。我人寄居是邦。為促進中西友好感情計。不可不參加慶祝。為國家華僑體面計。尤不可不有熱烈慶祝之表示。且吾人之參加慶祝。較之其他各友邦人士之參加慶祝。尤為有意義。有價值。請申言之。雲高華埠未開埠以前。猶是一片荒蕪人跡罕到之地。某板業公司鑒於此地之森林葱鬱。尤有可取之材。爰於沿岸一帶。先後設立板廠多間。此為雲高華埠開埠之濫觴。時為一八八四年。首在英吉利灣附近。闢草萊。墾荒蕪。移山填海。鑿石取道。此種工作伊誰之力。是我百餘名華僑獨任之也。是時由域多利埠華商號承辦此墾荒工作。委派司徒君為工目。借地方警察數名。率領華僑百餘名。伐木丁。鑿石鏗鏗。猶想見當日英吉利灣百餘華僑之勞苦情形。以迄年餘。大功告成。荒蕪之英吉利灣。一變為康莊坦途。西人遂即其地建屋宇。飲水思源。彼邦人士。亦知我僑當日之勞苦功高乎。一八八六年雲高華埠成立。詩丕亞公司之雲高華大旅館。亦於是時鳩工庀材。大興土木。費時數年始成。該公司之建築鐵路工作。亦同時進行。至一八八八年。雲高華至滿地可一段。遂通車而無阻焉。此種築路工作。我僑尤佔其大部分。(未完)

元緒公巴勒氏上訴

埃及人巴勒氏。前控以吸收資淫錢為生活。判監禁十年。但巴勒氏不服。在此間上訴院起訴。不日開始提審。惟被告律師適有案件在府衙辯護。已費時兩星期。尚有證人三十名。未經審訊。是以特向法院要求。將案移送域埠四月份之法院審訊。聞已得皇家律師之同意云。

白鶴票丁案保留未判

華人雷考(譯音)。因載運白鶴票丁。在府衙被判有罪。罰款一元壹案。昨在上訴院起訴。由化利士律師代辯護。聞此案昨日已審畢。惟法官保留之未判云。

上年本埠火警總報告

消防局長符梳氏之報告。上年本埠遭火警之損失。與一九三四年比較。增多約一倍。而其所以增多之原故。係因防止工作

減省所致

上年本埠遭火警損失。統計四十六萬七千四百二十五元。與前一年比較。增多二十四萬零八百九十九元。以全省計算。與一九三四年比較。則極形減少。上年全省遭火警之損失。統計一百九十八萬八千五百零壹元。與前一年比較。則減少四萬六千七百九十九元云。

西女往訪友人疑失踪

昨報告失踪之西女布勒利氏。已於昨星期三日下午尋獲。係往探訪友人云。

亞省每人給廿五元

點城廿五日電。亞省首相麥巴列氏。今日聲明。社會信任基本金。每人每月發給二十五元。惟亞省居民。合格領取者。須要一律註冊一事。惟暫行延至無期云。

修正星期日休息例

域埠廿六日電。昨星期二日。勞動部長俾慎氏。在議院提議。修正星期日休息例。使更嚴密。據俾慎氏所提議之新規定。凡商店可於星期日休息營業者。須要發賣定之貨物。如麵包。烟草。供給品。藥材。醫用器具。化妝品。影相用具。報紙。雜誌。文房用品。餐館。生果。瓜菜。涼水。生花。牛乳及糖果店。除此以外。凡發賣別樣貨品者。壹律要閉門云。

自由黨員反對賣酒案

域埠廿六日電。昨星期三日。自由黨政府會議。討論許可公眾進賭地方發賣啤酒。及果子酒問題。政府議員多數表示反對。為調和計。擬於今年內由民衆投票取決。亦不得通過云。

來往遊客消費之統計

域埠廿六日電。據中央統計局報告。估計上年外國遊客來加拿大之消費。約一萬萬零壹百萬元。與一九三四年比較。增多七千零百萬元。同時加拿大遊客往外國之消費。估計約九千一百萬元。與前一年比較。增多六千一百萬元。由美國乘汽車來加之遊客。其消費約壹萬三千零百八拾萬零六千元。一九三四年則共八千六百一拾五萬九千元。乘火車及搭船來加之遊客。其消費約五萬九千一百一十萬零九千元。前年則共三千四百一拾六萬元。由其他外國來加之遊客之消費。估計約壹千零拾萬七千元。上年由加拿大乘汽車往美國之遊客。估計消費約五千零一十萬六千元。增多三千零百六十四萬五千元。乘火車及搭船者。其消費則共二千四百九拾九萬二千元。增多三千三百九十八萬八千元。往其他外國之加拿大遊客。統計消費約一千四百一十七萬二千元云。

今年各式酒價多同舊

域埠廿五日電。卑詩燒酒管理局所規定一九三六年之各式酒價。已由政府批准。查所規定之新價目。與去年無異。惟有一種酒。原價二元七毛五。增至二元九毛。又有一種酒。原價一元零叁毛。增至一元四毛五云。

健康保險例。讀通過

域埠廿六日電。政府之公共健康保險例。以貳拾八對十之票數。通過第二讀會。但此次投票通過。不甚重要。因有議員多名。擬於提交委員會考慮時。準備在未經通過最後之解決以前。於修正上有所獻議云。

總督親調查林卜子案

域埠廿六日電。總督翁扶氏氏。今日擬棄切公事。而專心調查林卜子長子被擄案事件。希望尋獲新證據。以免罪犯霍甫曼氏處死刑。聞總督曾親自往霍甫曼氏之住宅。調查一切云。

柯京有一銀行被匪劫

柯京廿六日電。此間麥路街夾富冷街之勞華市高沙銀行。今日被賊匪三人。劫去約貳千元云。

各埠新聞

總督親調查林卜子案

域埠廿六日電。總督翁扶氏氏。今日擬棄切公事。而專心調查林卜子長子被擄案事件。希望尋獲新證據。以免罪犯霍甫曼氏處死刑。聞總督曾親自往霍甫曼氏之住宅。調查一切云。

柯京有一銀行被匪劫

柯京廿六日電。此間麥路街夾富冷街之勞華市高沙銀行。今日被賊匪三人。劫去約貳千元云。

ONE CENT SALE

賣平仙壹 (六期星)號四月四 (五期星)號三月四 (四期星)號二月四 錄盡不恕 多太品葯 機良失勿 廉價美貨

Table with 4 columns: 原價, 貨名, 現價, 貨名, 現價. Lists various goods and their prices.

The Owl Drug Co. Ltd. STORES LOW DRUG PRICES STORES. Corner Main & Hastings E. 貓頭鷹藥房. Corner Abbott & Hastings W. 鷹藥房.

李潤庭 建築木工兼裱花紙本廠常有上等工作... 貴客光顧隨時應便取價又廉 工廠在喜市定街樂給總餐館 門牌五十四號電話日詩磨一七二八

五香齋腐乳 ENG HUNG CHI 132 Waverly Place San Francisco, Cal., U.S.A. 廣萬生 金源 美昌 均有發售

老市崙致公堂鳴謝香油 周在銓 黃增仕 關朝翰 吳昂 黃添 黃東 各貳元